



Independent Church of India

MUSIC WEEK, 2025

August 4 - 10, 2025

THUPUI:

PRAISE & WORSHIP
(Pathien inpâk le chibai bûk)

Guidelines

Ziektu:
Pu Lalthlawnpêk Tusing

Published By:
Assembly Musical Board
Independent Church of India



Independent Kohran Music Week, 2025 hmanh thei dinga mi thuihlun ei Pathien ringum kuomah lawmthu hrilin ropuina ei inhlân a. Rawngbâwla inzin suok zing nisienla khawm, ei Music Instructor Pu Lalthlawng Tusing, guidelines buotsai dinga mawphurna phek a ni ang takin “**Music Week 2025 Guidelines**” tha em emin a hung buotsai hi ei lawm bek bek a, ama kuomah lawmthu ei hril baw a nih. Music Week ei lo hmanh tah haia khawm waw tamtak Pathien inpakna le Chibai bukna chungchanghai ei lo hril hlak tah a, nisienlakhawm, wawisuna Kohranhai Worship ngirhmun enin, baksamna le inchuk sap ding le inhrilhriet nawn pei ei mamaw hle a nih ti hre zingin Pathien inpak le Chibai bukna tieng awn zawngin guidelines ei hung buotsai nawk a nih. Hi subject guidelines hi a thu ela hril a, inchuk pangngai el ni lo a, a tak ngeia phursuoktu le Pathien ropui le inzaum Lalhai Lal, pathienhai Pathien inpakna kawnga hmasawn ngei dingin tawngtaina le thang la thar inla ei nuom takzet a nih. Thlarau malsawmna tamtak dawnga Music Week, 2025 hmanh seng dingin ditsakna insangtak kan inhlân cheu.

Sd/-
Diamond Malsawmthang
Secretary

Page-1

INTRODUCTION

Kum 2025 Music week thupui “**Praise and worship**” (inpâk le chibai bûk) ti hi Guilines hai ei hril hmain a thu tlângpui hei en thuok thuok ei tih. Praise and Worship ti hi Tuipui râl ɽawng nisien khawm ei ɽawng ang ela ei hmang a ni tho leiin tiin inphalam loin ei ziek pei el ding ni sien. Praise and worship, *Pathien inpâk le chibai bûk* ti hi a hranpa taka Biblea inziek kawp hmu ding a umin ei hriet nawh a. Sienkhawm, worship (chibai bûkna) sũaga hin Praise (inpâkna) hi pawimaw êm êm pakhat a ni leiin Worship hin a khaikhawm a nih a. Chuleiin, praise and worship ti hi Bible-ah a hranpa taka ziek hmu um naw sien khawm worship ti ruok hi chu hmun tam takah hmu ding a um. Kohran hmasahai khawmin Praise and worship ti thumal pahnihai hi an lo hmang hmu ding awm umin ei hriet nawh.

Kum hung fê peiin 1970s lai khan white Evangelical Church haiin Baby boomer (US a 1946 -1964 a pieng) hai Kohrana ɽhuoikir le Kohran an hung bêl beiseina neia an hung ɽan niin hril a nih a. Chubâkah, 1960s laia America rama Jesus Movement ti hai khawmin an thu fêpui, love and peace through Music tia inthawka hung inɽan ang khawmin an hril bawk.

Tuta ɽuma ei Thupui “Praise and worship” (Pathien inpâk le chibai bûk) ei ti hin hla ɽhuoitu (worship team) le hla ɽhuoi dânhai lungrilah um tho sien khawm ei Lungrila um tak chu Kohran mipuiin Pathien inpâka hla ei sakna (congregation singing) le Pathien chibai ei bûkna (worship service) tieng hin lungril a lien lem a. Chuleiin, thupui ei ɽhenawihai khawm chu tieng pang awna siem a nih a. Music week sung nana naa hin chu ei inkhawm zâtin worship team insiema ei music instrument nei ang anghai le mawi taka hla ɽhuoinahai thaw ni sien ti chu ei dit dân a nih.

10th August, PATHIENNI ZAN

Meeting Chairman :
Mipui hla :
ɽantu :
Hla solo/Group :
Thuhirilna hun :
Mipui hla :
Benediction/ :
Hun khâr ɽawngɽai

Thupui: Praise and worship khaikhawmna

- *Hi a hnuaia points hai baka point dang, zân danga ei lo hril tahai khawm a ɽul anga hril nawn ni sien.*

1. Lawm pumin Lalpa rawng bawl unla, hlasak pumin a hmaah hung ro. (Inpâkna hla bu 100:2)
2. Inpâkna Pathien kuoma inhlân rawp (Hebrai 13:15)
3. Iengkim inthuokthei taphawt chun Lalpa chu inpâk raw se. (Inpâkna hla bu 150:6)

Inpâkna Hlapawl, Group song le malzâi hai khawm hi zân hin chu uor thei ni sien. Sermon sei taka hun hmang nêkin hla sak tienga hun hmang rawn ni lem sien. Hla ɽhuoitu ɽha taka insiemin, music Instrument ei nei ang anghai keikhawmin inbuotsaina ɽatak leh inkhawm boruok zâng tak hnuaia hlim taka hla sakin hun hmang ni sien.

Meeting Chairman :
Mipui hla :
Tantu :
Hla solo/Group :
Thuhirilna hun :
Mipui hla :
Benediction/ :
Ṭawngṭaina hun tâwp

**Thupui: Pathienin a zawng chu Thlarau le titakzeta Chibai
Bûktu a nih. (Johan 4: 23-24)**

1. Pathien chibai bûktu indik. (True worshipper)
- Thutak le indik taka Pathien chibai bûktu chu ringum tak le lungril taka Pathien hmangaina leh inzâna pe a, hun khat sùng chaua Pathien hma bula inhlânna ni lova nitin nuna Pathien ta dinga inhlânna a nih.
2. Pathien chibai bûkna lungril hi a thar peia nei ding a nih.
- Pathien chibai bûkna hi thaw dân pângngai el an nawh.
3. Thlarau le chibai bûk.
- Hmu thei thil chau ni lova, sungril le lungril taka Pathien bie a, Krista le inzawmna hi a nih Thlarau le chibai bûkna chu.

*Khawvel kohran tam tak le ringtu tam tak lai hin Pathienin
Thlarau le titak taka chibai bûktu ding a zawng a nih.*

Hriltlang ding:

*Thlarau le titakzeta Chibai bûktu ni dingin mimal le kohran
inbuotsai thei ei ti?*

PRAISE (Inpâkna)

Praise ti thumal Saptawng hi a umzie chu inpâk ti a nih el a. Worship-a dinga kaupêng (element) pakhat pawimaw êm êm a nih. Worship nei dingin kaupêng pawimaw hieng: inpâkna/inpâkna hla sak (praise) ṭawngṭaina, thawlâwm dâwlâna hun le thuhirilnagai a um a, chulaia chun Praise hi worship neina dinga neitu chan chang thei khawpa pawimaw a nih. Amiruokchu, praise/inpâkna lungril tak ṭhang si lo chu worship a tlingzo tak tak naw a, chuong lai zing chun inpâkna/praise boin worship hi a kim zo tak tak nawh ti theiin a um. Chuleiin, praise (inpâkna hla sak) hi worship huna dinga pawimaw êm êm a ni leiin ṭha taka inbuotsai lâwk a pawimaw.

WORSHIP (Chibai bûkna)

Worship ti thumal hung suok dân chu saptawng hlui (Anglo saxon/Old English) word pahni **Weorp le Scipe** tia inthawka an hung lâk suok a nih a. **Weorp** umzie chu tlâk annawleh hlutna (worth/value) ti a nih a. **Scipe** ti chu nina va pêk ni thei a ta. Chu umzie chu Worship ei ti chun nina, hlutna pêk tina ni thei a tih. Amiruokchu, worship thumal hrilna dingin Pathien hla hlutna va pêk (literal taka) ti nêkin Pathien chibai bûk ti hi Bible-ah zieka lo um angin Chibai bûk tiin ei hril pei el ding a nih.

PRAISE AND WORSHIP (Pathien inpâk le chibai bûk)

Independent Kohran hi Pathienin ei ṭhwoitu hmasahaia inthawkin hla hmangin a mi lo keiṭhuoi a, hla tamtak Pathienin a mi pêk a, Independent kohran hla bu hiel neiin ei um a, lawm a um êm êm. Amiruokchu, Pathienin hla hmanga a mi chawisâng hai hin Pathien hi ei inpâk tâwk zo naw êm êmin ei hriet a. Ei Biek in inkhâwm hai ei hei en chun inkhâwm inhawi le hla sak inhawi châ-ng chu um zeu zeu sien

khawm a telpuia inkhi chun Pathien chibai ei bûkna hi ei lak ursûn zo ta naw bâka Pathien inpâkna kawnga hin ei hnufuol deu ta ân nâwm a nih ti theiin a um. Chuleiin, ei umna kohran senga, Pathien inpâk le chibai bûkna thlura hin thang ei lâk thar nuom a um tak zet.

Prasie and worship ei ti hin Music Instruments, hla thuoituhai le burip taka inri burbur kha a va a kâwk tak an nawh a, Music tha le phuisui tak va nei kher a ngai naw a, a pawimaw tak chu hmuthei thil el ni lova lungril taka Pathien hmaa insukhnuoi a, Pathien Chibai bûk a, Ama inpâkna hi a nih “Prasie and worship” thiltum tak chu. Khuong le chau khawmin ‘Praise and worship’ inhawi êm êm ei buotsai thei a nih ti hi ei hriet nuom a um. Chuong zing lai chun Music instruments le hla inmil taka thuoia a ni pha chun mihriem lungril khawm a suk inno zuol thei bâka, phûrna khawm nasa takin a pêk thei leiin Music Instrument-hai le kim taka buotsai thei a ni chun thil tha tak a nih. Praise and worship a hran lieu a buotsai a ni pha chun hla hi sak ûorin, hlaa Pathien chibai bûk a ni leiin Pathien thuhritlu khawmin Sermon sei tak ni lova a âwmtâwk hun hmang thiem a pawimaw. A tlângpuia eini laia Program ei buotsai hai hi chu Worship service a ni el a, ei worship service haiah inpâkna hla sak hun ei buotsai ang chau a nih a. Program dang le keikawp lova, a hran lieu a Praise and worship nei hai hi ei insukhmu pei nuom a um.

Praise and worship ei ti hin ei tuolsûng Kohran ngirhmun en zinga hma lâk pawimaw hle’ng a ta. Ei ngirhmun néka insâng va ban tumna khawm um thei ngai a nih a. Chuleiin, ei hmasawn dân izir peia buotsai a pawimaw ding a nih. Praise and worship ei ti hin danglam taka van thuoia khawm ei thiltum a ni nawh a, ei thil (music instrument) nei tâwkhai le Pathien ropuina pe dinga inbuotsai a, lungril taka Pathien inpâk le chawimawi a n’el a nih. Pathien chibai ei bûka eiinpâk ding a ni chun malsawmna thar ei dawng le dawng naw tieng ni lovin, Pathien chu a ropui êm a, malsawmna thar ei dawng naw khawma a mi Sandamtu le mi’n Tlantu a nih ti hria Pathien inpâk tawp el ding a nih.

8th August, ZIRTAWP ZAN

Meeting Chairman :
Mipui hla :
Tantu :
Hla solo/Group :
Thuhirilna hun :
Mipui hla :
Benediction/ :
Hun khâr tawngtai

Thupui: Mani nina sie thlaa chibai bûk
(Thupuongso 4:10)

1. Hnuoi lallukhumhai sie thlaa Pathien chibai bûk.
 - Mihriem rama ei ropuina, ei thiemna, le hausaknahai sie thlaa Pathien chibai bûk.
2. Bawkkhupa chibai bûk
 - Pathien chawimâwinain taksa taka bawkkhupa chibai bûk khawm a phû hle a, lai hmaa siehlaa a bawkkhup angin, inngaitlâwm taka chapona lungril thang lova Pathien hmaa inlangna hi a pawimaw a nih.
3. Pathien sukropui a, chawimawi (Thupuongso 4: 9)
 - Pathien ropuina le inzana pêk
 - Pathien chawimawina inhlân

Meeting Chairman :
Mipui hla :
Tantu :
Hla solo/Group :
Thuhirilna hun :
Mipui hla :
Benediction/ :
Hun khâr ɽawngɽai

Thupui: Biek in inkhâwm (worship service) lâk ursûn.

(Hebraihai 12:28-29)

1. Hla hmanga Pathien inpâkna huna râwl nasa taka insuo ding ei nih.
2. Meeting Chairman/Chairperson, worship keiɽhuoitu a ni leiin ɽawngɽaina le inbuotsaina ɽa tak le hun a lo hmang ding a nih.
3. Thawlawm thlâk le dâwl khâwm huna khawm Pathien chibai bûkna a ni hrie zinga lungril le ursûn tak a nei ding a nih.
4. Inpâkna hla saktu, solo le Group khawmin ursûn taka sak ding a nih
5. Thuhrilu khawm ɽa taka inbuotsai ding a nih.
6. Mipuihai Worship sùng inlawn le suok dawm tum lo hrâm hrâm ding a nih.
7. Ri sie siem lo ding le ɽawng mei mei lo ding a nih.

Pathien inpâka chibai ei bûknaa hin kaupêng (element) dang dang a um a: Mipui hlasakna, Meeting chairman, thawlâwm dâwlina, thawlâwm inhlânna, Pathien thu hrilna. Hienghai po po hmang hin Pathien ei inpâkin chibai ei bûk (worship) hla a nih a. Hienghai hi a pawimaw vawng leiin ngaipawimawa lâk ursûn hi a ɽul hle a nih.

Hritlang ding:

- *Ei Biek in inkhawm hi ei lâk ursûn tâwkin ei hriet am?*

Ei lâk ursûn tâwk nawa ei hriet chun, ei lâk ursûn dân ding hritlâng ni sien.

Inkhâwm :
Mipui hla :
Tantu :
Hla solo/Group :
Thuhirilna hun :
Mipui hla :
Benediction/ :
Hun khâr ɽawngɽai

Thupui: Pathien chibai bûk (worship) dinga Biek in pan.

(Inpâkna hla bu 95: 6-7)

1. Prasie & Worship ɽobul
2. Ringtuhai hi Beram ruol le tekhi ei ni leiin a ruola Pathien bie ding ei nih. (John 10: 1 - 14)
3. Inkhawm bânsan lo ding. (Heb. 10: 25)

Berâm a hawn laia khawsa lo, a hrana umhai chu an him naw a Satene dâmin an lo se hla lein, a Pu-in a tlaɽâla um a phal naw angin, eini ringtuhai khawm a hawna khawsa ding, inkhâwm/umkhâwm tlâng dinga ti ei ni a, Pathien chibai bûk (worship) hi mimala thaw thei khawm a nih a, chulai zingin Kohranhai hin a ruola chibai bûk (corporate worship) hi ei thaw ding awm hrim a nih.

Meeting Chairman :
Mipui hla :
Tantu :
Hla solo/Group :
Thuhirilna hun :
Mipui hla :
Benediction/ :
Hun khâr ɽawngɽai

Thupui: Praise and worship thiltum (objective)

(Isai 43:21)

1. Laltak Pathien a ni leia inpâk le chawimawi (Thupuongso 4:9,10)
 - Leilung le iengkim siemtu le neitu a ni leiin. Sam 19: 1 -2
 - Ama zâra hring le dam ei ni leia inpâk. Thilthawhai 17: 28
2. Eini tieng beiseina nei lova Pathien inpâk.
 - Malsawmna ei dawng le dawng naw tieng ni lovin, Pathien a nina leiin inpâk el ding a nih.
 - ɽawngɽaia ngênna hun an naw a, A hming inpâka chawimawina hun a nih.
3. Iengkim chung a roreltu a nina le a chunghnungtak a ni leia lawmthu hril.
 - Lawmthu hrilna hi Pathien iengkim chung a thuneitu a nina suklagna a nih.

Meeting Chairman :
Mipui hla :
Tantu :
Hla solo/Group :
Thuhirilna hun :
Mipui hla :
Benediction/ :
Hun khâr ɽawngɽai

Thupui: Chibai bûk (worship) huna mipui chanvo le mawphurna (Kolossa 3:16, Ephesi 5:19)

1. Mipuihai ei chanvo, mipui hla sak ngaipawimawa a hun taka tlung tum ding a nih.
2. Inkhâwm hmaa inthawka ei chanvo ngaipawimawa, Pathien inpâkna hla sak dinga lungrila lo inbuotsai lâwk.
3. Chibai bûka inkhâwm sâng lungril le titakzeta Pathien hmaa inlang.

Chibai bûkna (worship) huna hin ei rêngin Pathien thu hrilna hun ei chang seng thei naw a, Meeting chairman le thawlâwm inhlânna khawm ei nei seng thei nawh. Amiruokchu, inkhâwmhaiin ei rênga ei chanvo chu mipui hla sakna (Congregation singing) hi a nih a. Chuleiin, ei mawphurna hi ngaipawimaw ding a nih.

Hriltlang ding:

- Mipui chanvo, inkhâwm huna mipui hla sak hi ei ngaipawimaw tâwkin ei hriet am?

Ei ngaipawimawa ei hriet chun a ɽha a, ei ngaipawimaw tâwk nawa ei hriet chun, ngaipawimawa hla sak inhawi dân ding hriltlang ni sien.